

Peningkatan pelaburan dalam tenaga boleh diperbaharui adalah penting untuk memacu pembangunan yang berterusan di Negara-negara Membangun Asia

Paris, 15 Disember 2016 - Menurut edisi terbaru Tinjauan Ekonomi bagi Asia Tenggara, China dan India, yang dikeluarkan oleh Pusat Pembangunan Centre OECD, meskipun persekitaran ekonomi dunia agak mencabar, prospek pertumbuhan Negara-negara Membangun Asia (Asia Tenggara, China dan India) kekal kukuh dalam jangka masa sederhana.

Pertumbuhan KDNK sebenar untuk Negara-negara Membangun Asia dijangka akan kekal teguh pada kadar 6.5% pada tahun 2016 dan pada purata 6.2% sepanjang 2017-2021. Pertumbuhan ini didorong sebahagian besarnya oleh penggunaan swasta. Pertumbuhan ekonomi yang lembab dijangkakan untuk negara China. Bagi negara India pula, ia dijangkakan menjadi antara ekonomi di rantau yang paling pesat berkembang. Pertumbuhan dalam Persatuan Negara-Negara Asia Tenggara (ASEAN) dijangka 4.8% secara purata pada tahun 2016 dan 5.1% sepanjang tahun 2017-2021. Saiz pertumbuhan ini akan didahului oleh negara-negara Filipina, Viet Nam dan CLM (Kemboja, Laos dan Myanmar).

Walau bagaimanapun, faktor-faktor domestik dan antarabangsa akan menimbulkan risiko terhadap prospek pembangunan ini. Untuk mencapai pertumbuhan yang mampan, pembuat dasar di Negara-negara Membangun Asia perlu menguruskan pertumbuhan eksport yang perlahan, kesan kadar faedah rendah yang berterusan di negara-negara maju, serta pertumbuhan produktiviti yang rendah di rantau ini.

Menurut Bab Khas Outlook, pertumbuhan demografi dan ekonomi adalah antara faktor-faktor sosio-ekonomi yang akan menyebabkan peningkatan dalam penggunaan tenaga di Negara-negara Membangun Asia untuk beberapa dekad yang akan datang. Walaupun bahan api fosil akan terus memenuhi sebahagian besar daripada permintaan tenaga, rantau ini telah menggunakan sasaran khusus untuk penggunaan kapasiti tenaga boleh diperbaharui, seperti kuasa solar dan angin. Mekanisme dasar seperti tarif galakan menggalakkan pembangunan tenaga boleh diperbaharui yang belum lagi kompetitif dengan sumber tenaga konvensional. Walau bagaimanapun penetapan kadar untuk tarif galakan tetap menjadi satu cabaran yang besar untuk rantau ini.

Menurut Encik Mario Pezzini, Pengarah Pusat Pembangunan OECD dan Penasihat Khas kepada OECD Setiausaha Pembangunan yang melancarkan Outlook hari ini di Paris, "Untuk mengurangkan perubahan iklim dan memudahkan peralihan kepada ekonomi yang rendah karbon, amatlah penting bagi negara-negara ini untuk menerokai potensi bagi tenaga boleh diperbaharui ini. Ia juga boleh mempertingkatkan keselamatan tenaga dan peluang pekerjaan dan mengurangkan pencemaran udara.

Kapasiti tenaga boleh diperbaharui yang baru dipasang semakin meningkat. Oleh kerana saiz mereka, China dan India memberi sumbangan yang besar kepada pelaburan global dalam sektor ini. Dalam negara-negara ASEAN, Viet Nam, Thailand, Malaysia dan Lao PDR adalah penyumbang utama.

Menangani halangan yang dihadapi oleh pelaburan dalam tenaga boleh diperbaharui melalui dasar-dasar yang mencukupi, amatlah penting untuk membangunkan sumber tenaga alternatif di rantau ini.

Menurut laporan itu, Pelaburan Asing Langsung (FDI) hijau membolehkan pemindahan modal, teknologi dan kepakaran dalam tenaga boleh diperbaharui berlaku. India, China dan Indonesia telah menerima aliran pelaburan masuk terbesar. Ia telah menyumbang lebih daripada 60% daripada jumlah pelaburan di rantau ini. FDI juga menyokong pengembangan pekerjaan hijau. Namun begitu, keadaan yang sesuai diperlukan untuk pembangunan tenaga boleh diperbaharui di Negara-negara Membangun Asia. Sebelum ia tercapai, cabaran akses grid, halangan pentadbiran dan mekanisme penetapan harga tenaga perlu ditangani dahulu.

Untuk maklumat lanjut, wartawan-wartawan dijemput untuk menghubungi Kensuke Tanaka di Pusat Pembangunan OECD (Kensuke.Tanaka@oecd.org; Tel: 336 27 19 05 19).

Untuk maklumat lanjut mengenai Tinjauan Ekonomi Asia Tenggara, China dan India 2017, yang memberi tumpuan khusus kepada dasar-dasar negara, layari:
<http://www.oecd.org/dev/asia-pacific/>.

Mengenai laporan

Edisi ini telah dihasilkan dengan kerjasama Suruhanjaya Ekonomi dan Sosial Pertubuhan Bangsa-Bangsa Bersatu bagi Asia dan Pasifik (UNESCAP) dan Institut Penyelidikan Ekonomi untuk ASEAN dan Asia Timur (ERIA). Laporan 2017 ini juga memuatkan analisa perkembangan terkini dalam integrasi serantau dalam dua belas bahagian dasar utama dan nota-nota negara bagi membincangkan pembaharuan struktur utama di peringkat domestik dalam 10 negara ASEAN.

Laporan ini menyumbang kepada Program OECD Wilayah Asia Tenggara yang bertujuan untuk memupuk pembelajaran bersama dan pertukaran amalan baik antara pembuat-pembuat dasar di kedua-dua rantau ini.